

कृष्ण यजुर्वेदीय तैत्तिरीय संहिता, पद, जटा, घन पाठः

4.5 चतुर्थकाण्डे पञ्चमः प्रश्नः - होमविधिनिरूपणं

## Contents

1	TS 4.5.1.1	3
2	TS 4.5.1.2	3
3	TS 4.5.1.3	4
4	TS 4.5.1.4	5
5	TS 4.5.2.1	6
6	TS 4.5.2.2	7
7	TS 4.5.3.1	8
8	TS 4.5.3.2	9
9	TS 4.5.4.1	10
10	TS 4.5.4.2	11
11	TS 4.5.5.1	12
12	TS 4.5.5.2	13
13	TS 4.5.6.1	13

14	TS 4.5.6.2	14
15	TS 4.5.7.1	15
16	TS 4.5.7.2	16
17	TS 4.5.8.1	16
18	TS 4.5.8.2	17
19	TS 4.5.9.1	18
20	TS 4.5.9.2	19
21	TS 4.5.10.1	20
22	TS 4.5.10.2	21
23	TS 4.5.10.3	21
24	TS 4.5.10.4	22
25	TS 4.5.10.5	23
26	TS 4.5.11.1	24
27	TS 4.5.11.2	25

## 1 TS 4.5.1.1

### TS 4.5.1.1

#### Samhita Paata

नमस्ते रुद्र म॒न्यव॑ उ॒तोत॑ इ॒षवे॑ नमः । नमस्ते अस्तु धन्व॑ने बा॒हुभ्या॑मु॒त ते॑ नमः ॥ या त॒ इषुः॑  
शिव॑त॒मा शिवं॑ ब॒भूव॑ ते॒ धनुः॑ । शि॒वा श॑र॒व्या या॑ तव॒ तया॑ नो रुद्र मृ॒डय॑ ॥ या ते॑ रुद्र शि॒वा  
त॒नूः अ॒घोरा॑ ऽपा॒पका॑शिनी । तया॑ नस्त॒नुवा॑ श॒न्तम॑या गि॒रिश॑न्ता॒भि चा॑क॒शीहि॑ ॥ यामि॑षुं गि॒रिश॑न्त॒  
हस्ते॑ - [ ]

#### Pada Paata

नमः । ते । रुद्र । म॒न्यवै॑ । उ॒तो इति॑ । ते । इ॒षवे॑ । नमः ॥ नमः । ते । अ॒-  
स्तु । धन्व॑ने । बा॒हुभ्या॑मि॒ति बा॒हु-भ्या॑म् । उ॒त । ते । नमः ॥ या । ते । इ॒षुः ।  
शिव॑त॒मेति॑ शिव - त॒मा । शिव॑म् । ब॒भूव॑ । ते । धनुः॑ ॥ शि॒वा । श॑र॒व्या । या ।  
तव॑ । तया॑ । नः । रुद्र । मृ॒डय॑ ॥ या । ते । रुद्र । शि॒वा । त॒नूः । अ॒घोरा॑ ।  
अपा॑पका॒शिनीत्य॑पा॒प-का॒शिनी॑ ॥ तया॑ । नः । त॒नुवा॑ । श॒न्तम॑येति॒ शं - त॒मया॑ । गि॒रिश॑न्ते-  
ति गि॒रि - श॑न्त॒ । अ॒भीति॑ । चा॒क॒शीहि॑ ॥ याम् । इ॒षुम् । गि॒रिश॑न्तेति॒ गिरि॑ - श॑न्त॒ । हस्ते॑ ।

## 2 TS 4.5.1.2

### TS 4.5.1.2

#### Samhita Paata

बिभर्ष्यस्तवे । शिवां गिरित्र तां कुरु मा हिंसीः पुरुषं जगत् ॥ शिवेन वचसा त्वा गिरिशाच्छा  
वदामसि । यथा नः सर्वमि-जगदयक्ष्मः सुमना असत् ॥ अद्वयवोचदधिवक्ता प्रथमो दैव्यो भिषक्  
। अहींश्च सर्वान् जभंयन्थ सर्वाश्च यातु धान्यः ॥ असौ यस्ताम्रो अरुण उत बभ्रुः सुमङ्गलः  
। ये चेमा रुद्रा अभितो दिक्षु - [ ]

### Pada Paata

बिभर्षि । अस्तवे ॥ शिवाम् । गिरित्रेति गिरि - त्र । ताम् । कुरु । मा । हिंसीः ।  
पुरुषम् । जगत् ॥ शिवेन । वचसा । त्वा । गिरिश । अच्छ । वदामसि ॥ यथा । नः  
। सर्वम् । इत् । जगत् । अयक्ष्मम् । सुमना इति सु - मनाः । असत् ॥ अधीति ।  
अवोचत् । अधिवक्तेत्यधि - वक्ता । प्रथमः । दैव्यः । भिषक् ॥ अहीन् । च । सर्वान् ।  
जभंयन् । सर्वाः । च । यातुधान्य इति यातु - धान्यः ॥ असौ । यः । ताम्रः । अरुणः  
। उत । बभ्रुः । सुमङ्गल इति सु - मङ्गलः ॥ ये । च । इमाम् । रुद्राः । अभितः । दिक्षु ।

## 3 TS 4.5.1.3

### TS 4.5.1.3

### Samhita Paata

श्रिताः सहस्रशो ऽवैषा हेड ईमहे ॥ असौ यो ऽवसर्पति नीलग्रीवो विलोहितः । उत्तैनं गोपा  
अंशान्-नदंशान्-नुदहार्यः । उत्तैनं विश्वा भूतानि स दृष्टो मृडयाति नः ॥ नमो अस्तु नीलग्रीवाय

सहस्राक्षाय॑ मी॒दुषै॑ । अथो॒ ये अ॒स्य॒ सत्वा॑नोऽहं॒ तेभ्यो॑ ऽकर॒न्नमः॑ ॥ प्रमु॑च॒ धन्व॑न॒स्त्व मु॒भयो॑-  
रा॒र्त्नियो॒ज्या॑ । याश्च॑ ते ह॒स्त इ॒षवः॑ - [ ]

### Pada Paata

श्रि॒ताः । स॒हस्र॑श इति॑ सहस्र - शः । अवेति॑ । ए॒षाम् । हेडः॑ । ई॒महे॑ ॥ अ॒सौ । यः ।  
अ॒व॒स॒र्प॒तीत्य॑व - सर्पति॑ । नील॑ग्रीव इति॑ नील - ग्री॒वः । विलो॑हित इति॑ वि - लो॒हितः॑ ॥ उ॒त  
। ए॒नम् । गो॒पा इति॑ गो - पाः । अ॒दृश॑न् । अ॒दृश॑न् । उ॒द॒हा॒र्य इत्यु॑द॒हा॒र्यः ॥ उ॒त । ए॒नम्  
। वि॒श्वो॑ । भू॒तानि॑ । सः । दृ॒ष्टः । मृ॒ड्या॒ति । नः॑ ॥ नमः॑ । अ॒स्तु । नील॑ग्रीवायेति॑ नील  
- ग्री॒वाय॑ । स॒हस्रा॑क्षायेति॑ सहस्र - अ॒क्षाय॑ । मी॒दुषै॑ ॥ अथो॒ इति॑ । ये । अ॒स्य । सत्वा॑नः ।  
अ॒हम् । तेभ्यः॑ । अ॒क॒रम् । नमः॑ ॥ प्रेति॑ । मु॒ञ्च । धन्व॑नः । त्वम् । उ॒भयोः॑ । आ॒र्त्नियोः॑  
। ज्याम् ॥ याः । च॒ । ते । ह॒स्तै । इ॒षवः॑ ।

## 4 TS 4.5.1.4

### TS 4.5.1.4

### Samhita Paata

परा॒ ता भ॑गवो वप ॥ अ॒व॒त॒त्य ध॒नु॒स्त्व॒ सह॑स्राक्ष॒ शते॑षुधे । नि॒शीर्य॑ श॒ल्यानां॑ मुखा॑ शि॒वो नः॑  
सु॒मना॑ भव ॥ वि॒ज्यं ध॒नुः क॒र्प॒दि॒नो वि॒श॒ल्यो बा॑णवा॒ उ॒त । अ॒ने॒श॒न्न॒स्ये॒षव॑ आ॒भुर॑स्य नि॒ष॒ङ्ग॒थिः  
॥ या ते॑ हे॒ति-मी॒दुष्ट॑म् ह॒स्ते ब॒भूव॑ ते ध॒नुः । तया॑ऽस्मान् वि॒श्वत॑ स्त्वम॒य॒क्ष॒मया॑ परि॒भुज॑ ॥  
नम॑स्ते अ॒स्त्वायु॑धा॒या-ना॑त॒ताय॑ धृ॒ष्णवै॑ । उ॒भाभ्या॑ ( ) मु॒त ते॑ नमो॑ बा॒हुभ्या॑ तव॒ धन्व॑ने ॥ परि॑

ते धन्व॑नो हे॒तिर॒स्मान्-वृ॑णक्तु वि॒श्वतः॑ । अथो॒ य इ॑षुधिस्तवा॒रे अ॒स्म-न्नि॑धेहि तं ॥

### Pada Paata

परेति॑ । ताः । भ॒ग॒व इति॑ भ॒ग - वः॑ । व॒प ॥ अ॒व॒त॒त्ये॒त्य॑व - त॒त्य॑ । ध॒नुः॑ । त्वम् ।  
 सह॑स्राक्षेति॑ सह॑स्र - अ॒क्ष । श॒तेषु॑ध इति॑ श॒त - इ॒षुधे॑ ॥ नि॒शीर्येति॑ नि-शीर्य॑ । श॒ल्याना॑म् ।  
 मु॒खा । शि॒वः । नः॑ । सु॒म॒ना इति॑ सु - म॒नाः॑ । भ॒व ॥ वि॒ज्य॒मिति॑ वि - ज्य॒म् । ध॒नुः॑ ।  
 क॒प॒र्दिनः॑ । वि॒श॒ल्य इति॑ वि - श॒ल्यः॑ । बा॒ण॒वा॒निति॑ बा॒ण - वा॒न् । उ॒त ॥ अ॒ने॒श॒न् । अ॒स्य॑  
 । इ॒ष॒वः॑ । आ॒भुः॑ । अ॒स्य॑ । नि॒ष॒ङ्ग॒धिः॑ ॥ या । ते । हे॒तिः॑ । मी॒ढुष्ट॑मेति॑ मी॒ढुः - त॒म् ।  
 ह॒स्ते॑ । ब॒भू॒व॑ । ते । ध॒नुः॑ ॥ त॒या॑ । अ॒स्मान् । वि॒श्वतः॑ । त्वम् । अ॒य॒क्ष्म॒या॑ । प॒रीति॑ ।  
 भु॒ज् ॥ न॒मः॑ । ते । अ॒स्तु॑ । आ॒यु॒धाय॑ । अ॒ना॒त॒ता॒ये॒त्य॒ना॑ - त॒ता॒य॑ । धृ॒ष्ण॒वै ॥ उ॒भा॒भ्या॑म्  
 ( ) । उ॒त । ते । न॒मः॑ । बा॒हु॒भ्या॒मिति॑ बा॒हु - भ्या॒म् । त॒व॑ । ध॒न्व॑ने ॥ प॒रीति॑ । ते ।  
 ध॒न्व॑नः । हे॒तिः॑ । अ॒स्मान् । वृ॑णक्तु । वि॒श्वतः॑ ॥ अथो॒ इति॑ । यः । इ॒षु॒धि॒रि॒तीषु॑-धिः ।  
 त॒व॑ । आ॒रे॑ । अ॒स्मत् । नी॒ति॑ । धे॒हि॑ । त॒म् ॥

## 5 TS 4.5.2.1

### TS 4.5.2.1

#### Samhita Paata

नमो॑ हि॒र॒ण्य॑ बा॒हवे॑ से॒ना॒न्ये॑ दि॒शांच॑ प॒तये॑ नमो॑ नमो॑ वृ॒क्षे॒भ्यो॑ ह॒रि॒केशे॑भ्यः प॒शूनां॑ प॒तये॑ नमो॑  
 नमः॑ स॒स्पि॒ञ्ज॒राय॑ त्वि॒षी॒मते॑ प॒थी॒नां प॒तये॑ नमो॑ नमो॑ ब॒भ्रु॒शा॒य॑ वि॒व्या॒धि॒नेऽन्ना॑नां प॒तये॑ नमो॑ नमो॑

हरि॑केशा॒यो-प॒वी॒ति॒ने पु॒ष्टा॒नां प॒त॒ये नमो॑ नमो॑ भु॒व॒स्य॑ हे॒त्यै जग॑तां प॒त॒ये नमो॑ नमो॑ रु॒द्रा॒या-त॒ता॒वि॒ने  
क्षे॒त्रा॒णां प॒त॒ये नमो॑ नमः॑ सू॒ता॒या-ह॑न्त्याय॒ वना॑नां प॒त॒ये नमो॑ नमो॑ - [ ]

### Pada Paata

नमः॑ । हि॒र॒ण्य॒बा॒हव॑ इति॒ हि॒र॒ण्य॑ - बा॒ह॒वे । से॒ना॒न्य॑ इति॒ से॒ना॑ - न्यै॑ । दि॒शाम् । च॒ । प॒त॒ये  
। नमः॑ । नमः॑ । वृ॒क्षे॒भ्यः॑ । हरि॑केशे॒भ्य इति॒ हरि॑ - के॒शे॒भ्यः॑ । प॒शूना॑म् । प॒त॒ये । नमः॑ ।  
नमः॑ । स॒स्वि॒ञ्ज॒राय॑ । त्वि॒षी॒म॒त॒ इति॒ त्वि॒षि॑ - म॒ते । प॒थी॒नाम् । प॒त॒ये । नमः॑ । नमः॑ ।  
ब॒भ्रु॒शाय॑ । वि॒व्या॒धि॒न॒ इति॒ वि॑ - व्या॒धि॒ने॑ । अ॒न्ना॒नाम् । प॒त॒ये । नमः॑ । नमः॑ । हरि॑केशा॒येति॒  
हरि॑ - के॒शा॒य॒ । उ॒प॒वी॒ति॒न॒ इत्यु॑प - वी॒ति॒ने॑ । पु॒ष्टा॒नाम् । प॒त॒ये । नमः॑ । नमः॑ । भु॒व॒स्य॑  
। हे॒त्यै । जग॑ताम् । प॒त॒ये । नमः॑ । नमः॑ । रु॒द्राय॑ । आ॒त॒ता॒वि॒न॒ इत्या॑ - त॒ता॒वि॒ने॑ । क्षे॒-  
त्रा॒णाम् । प॒त॒ये । नमः॑ । नमः॑ । सू॒ता॒य॑ । अ॒ह॑न्त्याय॒ वना॑नाम् । प॒त॒ये । नमः॑ । नमः॑ ।

## 6 TS 4.5.2.2

### TS 4.5.2.2

### Samhita Paata

रोहि॑ताय॒ स्थ॒प॒त॒ये वृ॒क्षा॒णां प॒त॒ये नमो॑ नमो॑ मु॒न्त्रि॒णे वा॒णि॒जाय॑ क॒क्षा॒णां प॒त॒ये नमो॑ नमो॑ भुव॑न्तये  
वा॒रि॒व॒स्कृ॒ता-यो॒ष॒धी॒नां प॒त॒ये नमो॑ नमः॑ उ॒च्चै॒र्घो॒षा॒या ऋ॒न्द॒य॒ते प॒त्नी॑नां प॒त॒ये नमो॑ नमः॑ कृ॒थ॒स्त्र॒वी॒ताय॑  
धा॒व॒ते स॒त्त्वं॒नां प॒त॒ये नमः॑ ॥



**Pada Paata**

रोहि॑ताय । स्थ॒पत॑ये । वृ॒क्षाणा॑म् । पत॑ये । नमः॑ । नमः॑ । म॒न्त्रिणै॑ । वा॒णिजा॑य । क॒क्षाणा॑म् ।  
 । पत॑ये । नमः॑ । नमः॑ । भुव॑न्तये । वा॒रिव॑स्कृ॒तायेति॑ वा॒रिवः॑ - कृ॒ताय॑ । ओष॑धीनाम् ।  
 पत॑ये । नमः॑ । नमः॑ । उ॒च्चैर्घो॑षायेत्युच्चैः - घो॑षाय॑ । आ॒क्रन्द॑यत॒ इत्या॑-क्र॒न्दय॑ते । प॒त्तीना॑म् ।  
 पत॑ये । नमः॑ । नमः॑ । कृ॒थ्स्रवी॑तायेति॑ कृ॒थ्स्र-वी॑ताय॑ । धाव॑ते । सत्त्व॑नाम् । पत॑ये । नमः॑ ॥

**7 TS 4.5.3.1****TS 4.5.3.1****Samhita Paata**

नमः॑ स॒हमा॑नाय नि॒व्याधि॑न॒ आव्या॑धिनी॒नां पत॑ये नमो॑ नमः॑ क॒कुभा॑य॒ निष॑ङ्गि॒णे स्ते॒नाना॑ं पत॑ये नमो॑  
 नमो॑ निष॑ङ्गि॒ण इषु॑धि॒मते॑ तस्के॒राणां॑ पत॑ये नमो॑ नमो॑ व॒ञ्चते॑ परि॒वञ्च॑ते स्तायू॒नां पत॑ये नमो॑ नमो॑  
 नि॒चेर॑वे परि॒चरा॑या॒रण्या॑नां पत॑ये नमो॑ नमः॑ सृ॒कावि॑भ्यो॒ जिघा॑ःस॒द्भ्यो मु॑ष्ण॒तां पत॑ये नमो॑ नमो॑  
 ऽसि॑म॒द्भ्यो न॑क्तं चर॑द्भ्यः प्र॒कृन्ता॑नां पत॑ये नमो॑ नमः॑ उ॒ष्णीषि॑णे गि॒रिच॑राय॒ कुलु॑ञ्चानां पत॑ये नमो॑  
 नम॑ - [ ]

**Pada Paata**

नमः॑ । स॒हमा॑नाय । नि॒व्याधि॑न॒ इति॑ नि - व्या॒धिने॑ । आ॒व्याधि॑नी॒नामित्या॑ - व्या॒धिनी॑नाम् ।  
 पत॑ये । नमः॑ । नमः॑ । क॒कुभा॑य॒ । निष॑ङ्गि॒ण इति॑ नि-स॒ङ्गिने॑ । स्ते॒नाना॑म् । पत॑ये । नमः॑

। नमः॑ । नि॒ष॒ङ्गि॒ण॒ इति॑ नि - स॒ङ्गि॒नै॑ । इ॒षु॒धि॒मत॑ इती॒षु॒धि - म॒तै॑ । तस्क्॑राणाम् । प॒तये॑ ।  
 नमः॑ । नमः॑ । व॒ञ्च॑ते । प॒रि॒व॒ञ्च॑तु इति॑ परि - व॒ञ्च॑ते । स्ता॒यू॒नाम् । प॒तये॑ । नमः॑ । नमः॑ ।  
 नि॒चे॒र॒व॒ इति॑ नि - चे॒र॒वै॑ । प॒रि॒च॒रा॒येति॑ परि - च॒रा॒य॑ । अ॒र॒ण्या॒नाम् । प॒तये॑ । नमः॑ । नमः॑ ।  
 । सु॒का॒वि॒भ्य॒ इति॑ सु॒का॒वि - भ्यः॑ । जि॒घा॒श॑स॒द्भ्य॒ इति॑ जि॒घा॒श॑स॒त् - भ्यः॑ । मु॒ष्ण॒ताम् । प॒तये॑ ।  
 । नमः॑ । नमः॑ । अ॒सि॒म॒द्भ्य॒ इत्य॑सि॒म॒त् - भ्यः॑ । न॒क्त॑म् । च॒र॑द्भ्य॒ इति॑ च॒र॑त् - भ्यः॑ ।  
 प्र॒कृ॒न्ता॒ना॒मिति॑ प्र - कृ॒न्ता॒ना॑म् । प॒तये॑ । नमः॑ । नमः॑ । उ॒ष्णी॒षि॒णै॑ । गि॒रि॒च॒रा॒येति॑ गिरि -  
 च॒रा॒य॑ । कु॒लु॒ञ्चा॒ना॑म् । प॒तये॑ । नमः॑ । नमः॑ ।

## 8 TS 4.5.3.2

### TS 4.5.3.2

#### Samhita Paata

इ॒षु॒म॒द्भ्यो॑ ध॒न्वा॒वि॒भ्यश्च॑ वो॒ नमो॑ नम॑ आ॒त॒न्वा॒ने॒भ्यः॑ प्र॒ति॒द॒धा॒ने॒भ्यश्च॑ वो॒ नमो॑ नम॑ आ॒य॒च्छ॑द्भ्यो॑  
 वि॒सृ॒ज॒द्भ्यश्च॑ वो॒ नमो॑ नमो॑ऽस्य॑द्भ्यो॑ वि॒द्भ्य॑द्भ्यश्च॑ वो॒ नमो॑ नम॑ आ॒सी॒ने॒भ्यः॑ श॒या॒ने॒भ्यश्च॑ वो॒ नमो॑  
 नमः॑ स्व॒प॒द्भ्यो॑ जा॒ग्र॑द्भ्यश्च॑ वो॒ नमो॑ नम॑स्ति॒ष्ठ॑द्भ्यो॑ धा॒व॑द्भ्यश्च॑ वो॒ नमो॑ नमः॑ सु॒भा॒भ्यः॑ सु॒भा॒प॑ति॒  
 भ्यश्च॑ वो॒ नमो॑ नमो॑ अ॒श्वे॒भ्यो॑ ऽश्व॑प॒ति॒भ्य ( ) श्च॑ वो॒ नमः॑ ॥

#### Pada Paata

इ॒षु॒म॒द्भ्य॒ इती॒षु॒म॒त् - भ्यः॑ । ध॒न्वा॒वि॒भ्य॒ इति॑ ध॒न्वा॒वि॒भ्यः॑ । च॒ । वः॑ । नमः॑ । नमः॑ ।  
 आ॒त॒न्वा॒ने॒भ्य॒ इत्या॑ - त॒न्वा॒ने॒भ्यः॑ । प्र॒ति॒द॒धा॒ने॒भ्य॒ इति॑ प्र॒ति॒ - द॒धा॒ने॒भ्यः॑ । च॒ । वः॑ । नमः॑ ।  
 नमः॑ । आ॒य॒च्छ॑द्भ्य॒ इत्या॒य॒च्छ॑त् - भ्यः॑ । वि॒सृ॒ज॒द्भ्य॒ इति॑ वि॒सृ॒ज॒त् - भ्यः॑ । च॒ । वः॑ । नमः॑

। नमः॑ । अस्य॑द्भ्य इत्यस्य॑त् - भ्यः॑ । विद्भ्य॑द्भ्य इति॑ विद्भ्य॑त्-भ्यः॑ । च॒ । वः॑ । नमः॑ ।  
 नमः॑ । आसी॑नेभ्यः॑ । शया॑नेभ्यः॑ । च॒ । वः॑ । नमः॑ । नमः॑ । स्व॑पद्भ्य इति॑ स्व॑पत् - भ्यः॑ ।  
 जाग्र॑द्भ्य इति॑ जाग्र॑त्-भ्यः॑ । च॒ । वः॑ । नमः॑ । नमः॑ । तिष्ठ॑द्भ्य इति॑ तिष्ठ॑त् - भ्यः॑ । धाव॑द्भ्य  
 इति॑ धाव॑त् - भ्यः॑ । च॒ । वः॑ । नमः॑ । नमः॑ । सु॒भाभ्यः॑ । सु॒भाप॑तिभ्य इति॑ सु॒भाप॑ति - भ्यः॑ ।  
 च॒ । वः॑ । नमः॑ । नमः॑ । अश्व॑भ्यः॑ । अश्व॑पतिभ्य इत्यश्व॑पति - भ्यः॑ ( ) । च॒ । वः॑ । नमः॑ ॥

## 9 TS 4.5.4.1

### TS 4.5.4.1

#### Samhita Paata

नम॑ आव्या॒धिनी॑भ्यो वि॒विद्भ्य॑न्तीभ्यश्च वो॒ नमो॑ नम॒ उग॑णाभ्य-स्तृ॒हृती॑भ्यश्च वो॒ नमो॑ नमो॑ गृ॒थ्सेभ्यो॑  
 गृ॒थ्सप॑तिभ्यश्च वो॒ नमो॑ नमो॑ ब्रा॒तैभ्यो॑ ब्रा॒तप॑तिभ्यश्च वो॒ नमो॑ नमो॑ गु॒णेभ्यो॑ गु॒णप॑तिभ्यश्च वो॒ नमो॑  
 नमो॑ वि॒रूपे॑भ्यो वि॒श्वरू॑पेभ्यश्च वो॒ नमो॑ नमो॑ म॒हद्भ्यः॑ क्षु॒ल्लके॑भ्यश्च वो॒ नमो॑ नमो॑ रु॒थिभ्यो॑-ऽरु॒थेभ्य॑श्च  
 वो॒ नमो॑ नमो॑ रथे॑भ्यो - [ ]

#### Pada Paata

नमः॑ । आ॒व्या॒धिनी॑भ्य इत्या॑ - व्या॒धिनी॑भ्यः॑ । वि॒विद्भ्य॑न्तीभ्य इति॑ वि - वि॒द्भ्य॑न्तीभ्यः॑ ।  
 च॒ । वः॑ । नमः॑ । नमः॑ । उग॑णाभ्यः॑ । तृ॒हृती॑भ्यः॑ । च॒ । वः॑ । नमः॑ । नमः॑ ।  
 गृ॒थ्सेभ्यः॑ । गृ॒थ्सप॑तिभ्य इति॑ गृ॒थ्सप॑ति - भ्यः॑ । च॒ । वः॑ । नमः॑ । नमः॑ । ब्रा॒तैभ्यः॑ ।  
 ब्रा॒तप॑तिभ्य इति॑ ब्रा॒तप॑ति-भ्यः॑ । च॒ । वः॑ । नमः॑ । नमः॑ । गु॒णेभ्यः॑ । गु॒णप॑तिभ्य इति॑

ग॒णप॑ति - भ्यः । च॒ । वः । नमः॑ । नमः॑ । वि॒रू॒पेभ्य॑ इति वि - रू॒पेभ्यः । वि॒श्वरू॑पेभ्य॑ इति  
 वि॒श्व-रू॒पेभ्यः । च॒ । वः । नमः॑ । नमः॑ । म॒हद्भ्य॑ इति म॒हत्-भ्यः । क्षु॒ल्लके॑भ्यः । च॒ । वः  
 । नमः॑ । नमः॑ । र॒थिभ्य॑ इति र॒थि-भ्यः । अ॒र॒थेभ्यः । च॒ । वः । नमः॑ । नमः॑ । र॒थेभ्यः ।

## 10 TS 4.5.4.2

### TS 4.5.4.2

#### Samhita Paata

रथ॑पतिभ्यश्च वो॒ नमो॑ नमः॑ सेना॑भ्यः सेना॑निभ्यश्च वो॒ नमो॑ नमः॑ क्ष॒त्तृभ्यः॑ संग्र॑हीतृभ्यश्च वो॒ न-  
 मो॑ नम॑स्तक्ष॑भ्यो रथ॑का॒रेभ्य॑श्च वो॒ नमो॑ नमः॑ कुला॑लेभ्यः क॒र्मा॑रेभ्यश्च वो॒ नमो॑ नमः॑ पु॒ञ्जिष्टे॑भ्यो  
 निषा॑देभ्यश्च वो॒ नमो॑ नमः॑ इषु॑कृद्भ्यो ध॒न्व॒कृद्भ्य॑श्च वो॒ नमो॑ नमो॑ मृ॒गयु॑भ्यः श्व॒निभ्य॑श्च वो॒ नमो॑  
 नमः॑ श्व॒भ्यः श्व॑पतिभ्यश्च ( ) वो॒ नमः॑ ॥

#### Pada Paata

रथ॑पतिभ्य॑ इति रथ॑पति-भ्यः । च॒ । वः । नमः॑ । नमः॑ । सेना॑भ्यः । सेना॑निभ्य॑ इति सेना॑नि  
 - भ्यः । च॒ । वः । नमः॑ । नमः॑ । क्ष॒त्तृभ्य॑ इति क्ष॒त्तृ - भ्यः । स॒ग्र॒ही॒तृभ्य॑ इति संग्र॑हीतृ -  
 भ्यः । च॒ । वः । नमः॑ । नमः॑ । तक्ष॑भ्य॑ इति तक्ष॑ - भ्यः । र॒थ॒का॒रेभ्य॑ इति रथ॑-का॒रेभ्यः  
 । च॒ । वः । नमः॑ । नमः॑ । कुला॑लेभ्यः । क॒र्मा॑रेभ्यः । च॒ । वः । नमः॑ । नमः॑  
 । पु॒ञ्जिष्टे॑भ्यः । निषा॑देभ्यः । च॒ । वः । नमः॑ । नमः॑ । इषु॑कृद्भ्य॑ इति॑षुकृत् - भ्यः ।  
 ध॒न्व॒कृद्भ्य॑ इति ध॒न्व॒कृत् - भ्यः । च॒ । वः । नमः॑ । नमः॑ । मृ॒गयु॑भ्य॑ इति मृ॒गयु॑-भ्यः ।

श्वनिभ्य इति श्वनि - भ्यः । च । वः । नमः । नमः । श्वभ्य इति श्व - भ्यः । श्वपतिभ्य  
इति श्वपति - भ्यः । च ( ) । वः । नमः ॥

## 11 TS 4.5.5.1

### TS 4.5.5.1

#### Samhita Paata

नमो भुवाय च रुद्राय च नमः शर्वाय च पशुपतये च नमो नीलग्रीवाय च शितिकण्ठाय च नमः  
कर्पुर्दिने च व्युप्तकेशाय च नमः सहस्राक्षाय च शतधन्वने च नमो गिरिशाय च शिपिविष्टाय च  
नमो मीढुष्टमाय चेषुमते च नमो ह्रस्वाय च वामनाय च नमो बृहते च वरुणीयसे च नमो वृद्धाय  
च संवृद्धने च-[ ]

#### Pada Paata

नमः । भुवाय । च । रुद्राय । च । नमः । शर्वाय । च । पशुपतये इति पशु-पतये । च  
। नमः । नीलग्रीवायेति नील - ग्रीवाय । च । शितिकण्ठायेति शिति - कण्ठाय । च । नमः  
। कर्पुर्दिने । च । व्युप्तकेशायेति व्युप्त - केशाय । च । नमः । सहस्राक्षायेति सहस्र-अक्षाय  
। च । शतधन्वन इति शत - धन्वने । च । नमः । गिरिशाय । च । शिपिविष्टायेति शिपि  
- विष्टाय । च । नमः । मीढुष्टमायेति मीढुः - तमाय । च । इषुमत् इतीषु - मते । च ।  
नमः । ह्रस्वाय । च । वामनाय । च । नमः । बृहते । च । वरुणीयसे । च । नमः ।  
वृद्धाय । च । संवृद्धन इति सं - वृद्धने । च ।

## 12 TS 4.5.5.2

### TS 4.5.5.2

#### Samhita Paata

नमो॑ अ॒ग्रि॒याय॑ च॒ प्रथ॒माय॑ च॒ नमः॑ आ॒शवे॑ चा॒जि॒राय॑ च॒ नमः॑ शी॒घ्रि॒याय॑ च॒ शी॒भ्याय॑ च॒ नमः॑  
ऊ॒र्म्याय॑ चाव॒स्वन्या॑य च॒ नमः॑ स्रो॒त॒स्याय॑ च॒ द्वी॒प्याय॑ च ॥

#### Pada Paata

नमः॑ । अ॒ग्रि॒याय॑ । च॒ । प्रथ॒माय॑ । च॒ । नमः॑ । आ॒शवे॑ । च॒ । अ॒जि॒राय॑ । च॒ । नमः॑  
। शी॒घ्रि॒याय॑ । च॒ । शी॒भ्याय॑ । च॒ । नमः॑ । ऊ॒र्म्याय॑ । च॒ । अ॒व॒स्वन्या॑येत्य॒व - स्वन्या॑य  
। च॒ । नमः॑ । स्रो॒त॒स्याय॑ । च॒ । द्वी॒प्याय॑ । च॒ ॥

## 13 TS 4.5.6.1

### TS 4.5.6.1

#### Samhita Paata

नमो॑ ज्ये॒ष्ठाय॑ च॒ कनि॒ष्ठाय॑ च॒ नमः॑ पूर्॒वजा॑य॒ चाप॒रजा॑य॒ च॒ नमो॑ म॒द्ध्य॒माय॑ चा॒पगु॒ल्भाय॑ च॒ नमो॑  
जघ॒न्याय॑ च॒ बुद्धि॒याय॑ च॒ नमः॑ सो॒भ्याय॑ च॒ प्रति॒स॒र्याय॑ च॒ नमो॑ या॒म्याय॑ च॒ क्षे॒म्याय॑ च॒ नमः॑  
उर्व॒र्याय॑ च॒ ख॒ल्याय॑ च॒ नमः॑ श्लो॒क्याय॑ चाव॒सान्या॑य च॒ नमो॑ व॒न्याय॑ च॒ कक्ष्या॑य च॒ नमः॑ श्र॒वाय॑  
च॒ प्रति॒श्रवा॑य॒ च॒- [ ]

**Pada Paata**

नमः । ज्येष्ठाय । च । क॒निष्ठाय । च । नमः । पूर्वजायेति पूर्व - जाय । च ।  
 अप॒रजायेत्य॑पर-जाय । च । नमः । म॒द्भ्यमाय । च । अप॒गल्भायेत्य॑प - गल्भाय । च ।  
 । नमः । ज॒घ्न्याय । च । बु॒द्ध्याय । च । नमः । सो॒भ्याय । च । प्र॒तिस॒र्यायेति॑  
 प्रति - स॒र्याय । च । नमः । या॒म्याय । च । क्षे॒म्याय । च । नमः । उ॒र्वर्याय ।  
 च । ख॒ल्याय । च । नमः । श्लो॒क्याय । च । अ॒वसान्यायेत्य॑व - सा॒न्याय । च । न-  
 मः । व॒न्याय । च । क॒क्ष्याय । च । नमः । श्र॒वाय । च । प्र॒तिश्र॒वायेति॑ प्रति-श्र॒वाय । च ।

**14 TS 4.5.6.2****TS 4.5.6.2****Samhita Paata**

नम॑ आ॒शुषे॑णाय चा॒शुर॑थाय च॒ नमः॑ शूरा॑य चावभिन्दते च॒ नमो॑ व॒र्मिणे॑ च व॒रूथि॑ने च॒ नमो॑  
 बि॒लिने॑ च क॒वचि॑ने च॒ नमः॑ श्रु॒ताय॑ च श्रुतसे॒नाय॑ च ॥

**Pada Paata**

नमः॑ । आ॒शुषे॑णायेत्या॒शु - से॒नाय॑ । च । आ॒शुर॑थायेत्या॒शु-र॒थाय॑ । च । नमः॑ । शूरा॑य  
 । च । अ॒वभि॑न्दत इत्य॑व-भि॒न्दते॑ । च । नमः॑ । व॒र्मिणे॑ । च । व॒रूथि॑ने । च । न-  
 मः॑ । बि॒लिने॑ । च । क॒वचि॑ने । च । नमः॑ । श्रु॒ताय॑ । च । श्रु॒तसे॒नायेति॑ श्रुत-से॒नाय॑ । च ॥

## 15 TS 4.5.7.1

### TS 4.5.7.1

#### Samhita Paata

नमो॑ दु॒न्दुभ्या॑य चा॒ह॒न॒न्या॑य च॒ नमो॑ धृ॒ष्ण॒वे च॑ प्र॒मृ॒शाय॑ च॒ नमो॑ दू॒ताय॑ च॒ प्र॒हि॒ताय॑ च॒ नमो॑  
नि॒ष॒ङ्गि॑णे चे॒षु॒धि॒मते॑ च॒ नमः॑ स्ती॒क्ष्णेष॑वे चा॒यु॒धि॒ने च॑ नमः॑ स्वा॒यु॒धाय॑ च सु॒ध॒न्व॒ने च॑ नमः॑ सु॒त्या॑य  
च॒ प॒थ्या॑य च॒ नमः॑ का॒ट्या॑य च नी॒प्या॑य च॒ नमः॑ सू॒द्या॑य च स॒र॒स्या॑य च॒ नमो॑ ना॒द्याय॑ च वै॒श॒न्ता॑य  
च॒ -[ ]

#### Pada Paata

नमः॑ । दु॒न्दुभ्या॑य । च॒ । आ॒ह॒न॒न्या॑येत्या॑ - ह॒न॒न्या॑य । च॒ । नमः॑ । धृ॒ष्ण॒वे । च॒ ।  
प्र॒मृ॒शायेति॑ प्र - मृ॒शाय॑ । च॒ । नमः॑ । दू॒ताय॑ । च॒ । प्र॒हि॒तायेति॑ प्र - हि॒ता॒य॒ । च॒ । नमः॑  
। नि॒ष॒ङ्गि॑ण इति॑ नि - स॒ङ्गि॑ने । च॒ । इ॒षु॒धि॒मत् इती॑षु॒धि - म॒ते । च॒ । नमः॑ । ती॒क्ष्णेष॑व इति॑  
ती॒क्ष्ण - इ॒ष॒वे । च॒ । आ॒यु॒धि॒ने । च॒ । नमः॑ । स्वा॒यु॒धायेति॑ सु - आ॒यु॒धाय॑ । च॒ । सु॒ध॒न्व॒न  
इति॑ सु - ध॒न्व॒ने । च॒ । नमः॑ । सु॒त्या॑य । च॒ । प॒थ्या॑य । च॒ । नमः॑ । का॒ट्या॑य । च॒ । नी॒  
प्या॑य । च॒ । नमः॑ । सू॒द्या॑य । च॒ । स॒र॒स्या॑य । च॒ । नमः॑ । ना॒द्याय॑ । च॒ । वै॒श॒न्ता॑य । च॒ ।



## 16 TS 4.5.7.2

### TS 4.5.7.2

#### Samhita Paata

नमः॑ कू॒प्याय॑ चाव॒ट्याय॑ च॒ नमो॑ वर्ष्पाय॑ चाव॒र्ष्याय॑ च॒ नमो॑ मे॒घ्याय॑ च विद्यु॒त्याय॑ च॒ नम॑ ई॒न्द्रियाय॑  
चात॒प्याय॑ च॒ नमो॑ वा॒त्याय॑ च॒ रेष्मि॑याय॑ च॒ नमो॑ वास्त॒व्याय॑ च वास्तु॒पाय॑ च ॥

#### Pada Paata

नमः॑ । कू॒प्याय॑ । च॒ । अ॒व॒ट्याय॑ । च॒ । नमः॑ । वर्ष्पाय॑ । च॒ । अ॒व॒र्ष्याय॑ । च॒ । नमः॑  
। मे॒घ्याय॑ । च॒ । वि॒द्यु॒त्यायेति॑ वि - द्यु॒त्याय॑ । च॒ । नमः॑ । ई॒न्द्रियाय॑ । च॒ । आ॒त॒प्यायेत्या॑  
- त॒प्याय॑ । च॒ । नमः॑ । वा॒त्याय॑ । च॒ । रेष्मि॑याय॑ । च॒ । नमः॑ । वास्त॒व्याय॑ । च॒ ।  
वास्तु॒पायेति॑ वास्तु - पाय॑ । च॒ ॥

## 17 TS 4.5.8.1

### TS 4.5.8.1

#### Samhita Paata

नमः॑ सोमाय॑ च रु॒द्राय॑ च॒ नमस्ता॒म्राय॑ चारु॒णाय॑ च॒ नमः॑ श॒ङ्गाय॑ च पशु॒पत॑ये च॒ नम॑ उ॒ग्राय॑ च  
भी॒माय॑ च॒ नमो॑ अ॒ग्रेव॒धाय॑ च दू॒रेव॒धाय॑ च॒ नमो॑ ह॒न्त्रे च॒ हनी॑यसे च॒ नमो॑ वृ॒क्षेभ्यो॑ हरि॑केशेभ्यो॑

नमस्ताराय नमः शंभवे च मयोभवे च नमः शङ्कराय च मयस्कराय च नमः शिवाय च शिवतराय  
च - [ ]

### Pada Paata

नमः । सोमाय । च । रुद्राय । च । नमः । ताम्राय । च । अरुणाय । च । नमः ।  
शङ्गाय । च । पशुपतय इति पशु-पतये । च । नमः । उग्राय । च । भीमाय । च । नमः ।  
अग्रेवधायेत्यग्रे - वधाय । च । दूरेवधायेति दूरे - वधाय । च । नमः । हन्त्रे । च । हनीयसे  
। च । नमः । वृक्षेभ्यः । हरिकेशेभ्य इति हरि - केशेभ्यः । नमः । ताराय । नमः । शंभु  
इति शं - भवे । च । मयोभव इति मयः - भवे । च । नमः । शङ्करायेति शं - कराय । च  
। मयस्करायेति मयः - कराय । च । नमः । शिवाय । च । शिवतरायेति शिव - तराय । च ।

## 18 TS 4.5.8.2

### TS 4.5.8.2

### Samhita Paata

नमस्तीर्थाय च कूल्याय च नमः पार्याय चावार्याय च नमः प्रतरणाय चोत्तरणाय च नम आता-  
र्याय चालाद्याय च नमः शष्प्याय च फेन्याय च नमः सिकत्याय च प्रवाह्याय च ॥

### Pada Paata

नमः॑ । ती॒र्थाय॑ । च॒ । कू॒ल्याय॑ । च॒ । नमः॑ । पा॒र्याय॑ । च॒ । अ॒वा॒र्याय॑ । च॒ । नमः॑ ।  
 प्र॒तर॑णा॒येति॑ प्र - तर॑णाय । च॒ । उ॒त्तर॑णा॒येत्यु॑त् - तर॑णाय । च॒ । नमः॑ । आ॒ता॒र्याये॑त्या॒-ता॒र्याय॑  
 । च॒ । आ॒ला॒द्याये॑त्या॒-ला॒द्याय॑ । च॒ । नमः॑ । श॒ष्प्याय॑ । च॒ । फे॒न्याय॑ । च॒ । नमः॑ ।  
 सि॒क्र॒त्याय॑ । च॒ । प्र॒वा॒ह्याये॑ति॑ प्र - वा॒ह्याय॑ । च॒ ।

## 19 TS 4.5.9.1

### TS 4.5.9.1

#### Samhita Paata

नम॑ इ॒रि॒ण्याय॑ च प्र॒प॒थ्याय॑ च॒ नमः॑ कि॒श्शि॒लाय॑ च॒ क्षय॑णाय च॒ नमः॑ क॒प॒र्दि॒ने च॒ पु॒ल॒स्तये॑ च॒  
 नमो॑ गो॒ष्ठ्याय॑ च॒ गृ॒ह्याय॑ च॒ नम॑स्त॒ल्प्याय॑ च॒ गे॒ह्याय॑ च॒ नमः॑ का॒ट्याय॑ च॒ ग॒ह्वरे॑ष्ठाय च॒ नमो॑  
 ह॒दु॒य्याय॑ च॒ नि॒वे॒ष्प्याय॑ च॒ नमः॑ पा॒ऽसु॒व्याय॑ च॒ र॒ज॒स्याय॑ च॒ नमः॑ शु॒ष्क्याय॑ च॒ ह॒रि॒त्याय॑ च॒ नमो॑  
 लो॒प्याय॑ चो॒ल्प्याय॑ च॒- [ ]

#### Pada Paata

नमः॑ । इ॒रि॒ण्याय॑ । च॒ । प्र॒प॒थ्याये॑ति॑ प्र - प॒थ्याय॑ । च॒ । नमः॑ । कि॒श्शि॒लाय॑ । च॒ ।  
 क्षय॑णाय । च॒ । नमः॑ । क॒प॒र्दि॒ने । च॒ । पु॒ल॒स्तये॑ । च॒ । नमः॑ । गो॒ष्ठ्याये॑ति॑ गो - स्था॒य्य  
 । च॒ । गृ॒ह्याय॑ । च॒ । नमः॑ । त॒ल्प्याय॑ । च॒ । गे॒ह्याय॑ । च॒ । नमः॑ । का॒ट्याय॑ । च॒ ।  
 ग॒ह्वरे॑ष्ठाय॑ति॑ ग॒ह्वरे॑ - स्थाय॑ । च॒ । नमः॑ । ह॒दु॒य्याय॑ । च॒ । नि॒वे॒ष्प्याये॑ति॑ नि - वे॒ष्प्याय॑ । च॒  
 । नमः॑ । पा॒ऽसु॒व्याय॑ । च॒ । र॒ज॒स्याय॑ । च॒ । नमः॑ । शु॒ष्क्याय॑ । च॒ । ह॒रि॒त्याय॑ । च॒  
 । नमः॑ । लो॒प्याय॑ । च॒ । उ॒ल्प्याय॑ । च॒ ।

## 20 TS 4.5.9.2

### TS 4.5.9.2

#### Samhita Paata

नमः ऊर्व्याय च सूर्म्याय च नमः पुण्याय च पर्णश्रद्धाय च नमोऽपगुरमाणाय चाभिघ्नते च नमः  
आक्खिदुते च प्रक्खिदुते च नमो वः किरिकेभ्यो देवानां हृदयेभ्यो नमो विक्षीणकेभ्यो नमो  
विचिन्वत्केभ्यो नमः आनिरु हृतेभ्यो नमः आमीवत्केभ्यः ॥

#### Pada Paata

नमः । ऊर्व्याय । च । सूर्म्याय । च । नमः । पुण्याय । च । पर्णश्रद्धायेति पर्ण -  
श्रद्धाय । च । नमः । अपगुरमाणायेत्यप - गुरमाणाय । च । अभिघ्नत इत्यभि - घ्नते । च  
। नमः । आक्खिदुत इत्या - खिदुते । च । प्रक्खिदुत इति प्र-खिदुते । च । नमः । वः  
। किरिकेभ्यः । देवानां । हृदयेभ्यः । नमः । विक्षीणकेभ्य इति वि - क्षीणकेभ्यः । नमः  
। विचिन्वत्केभ्य इति वि - चिन्वत्केभ्यः । नमः । आनिरु हृतेभ्य इत्यानिः-हृतेभ्यः । नमः ।  
आमीवत्केभ्य इत्या - मीवत्केभ्यः ॥

## 21 TS 4.5.10.1

### TS 4.5.10.1

#### Samhita Paata

द्रापे॑ अन्ध॑सस्पते॑ दरि॑द्रन्नील॑लोहित । ए॒षां पुरु॑षाणामे॒षां प॑शूनां मा भे माऽरो॑ मो ए॒षां किञ्च॑नाम॑मत् ॥  
 ॥ या ते॑ रु॒द्र शि॒वा त॒नूः शि॒वा वि॒श्वाह॑भेष॒जी । शि॒वा रु॒द्रस्य॑ भेष॒जी तया॑ नो मृ॒ड जी॒वसे॑ ॥  
 इ॒मा रु॒द्राय॑ त॒वसे॑ क॒पर्दि॑ने॒ क्षय॑द्वी॒राय॑ प्रभ॑रामहे म॒तिं । यथा॑ नः॒ शम॑सद् द्वि॒पदे॑ चतु॑ष्पदे॒ विश्वं॑  
 पु॒ष्टं ग्रामे॑ अ॒स्मि - [ ]

#### Pada Paata

द्रापे॑ । अन्ध॑सः । प॒ते । दरि॑द्रत् । नील॑लोहितेति॒ नील॑ - लो॒हित॒ ॥ ए॒षाम् । पुरु॑षाणाम्  
 । ए॒षाम् । प॒शूनाम् । मा । भेः । मा । अ॒रः । मो इति॑ । ए॒षाम् । किम् । च॒न ।  
 आ॒म॒मत् ॥ या । ते॑ । रु॒द्र । शि॒वा । त॒नूः । शि॒वा । वि॒श्वाह॑भेष॒जीति॑ वि॒श्वाह॑-भेष॒जी ॥  
 शि॒वा । रु॒द्रस्य॑ । भेष॒जी । तया॑ । नः॒ । मृ॒ड । जी॒वसे॑ ॥ इ॒माम् । रु॒द्राय॑ । त॒वसे॑ ।  
 क॒पर्दि॑ने॒ । क्षय॑द्वी॒रायेति॑ क्षय॒त् - वी॒रा॒य॒ । प्रेति॑ । भ॒राम॑हे । म॒तिम् ॥ यथा॑ । नः॒ । शम् ।  
 अस॑त् । द्वि॒पद॒ इति॑ द्वि - पदे॑ । चतु॑ष्पद॒ इति॑ चतुः - प॒दे । विश्व॑म् । पु॒ष्टम् । ग्रामे॑ । अ॒स्मिन् ।

## 22 TS 4.5.10.2

### TS 4.5.10.2

#### Samhita Paata

अना॑तुरं ॥ मृ॒डा नो॑ रु॒द्रो तनो॑ मय॑स्कृ॒धि क्षु॑य॒द्वीरा॑य॒ नम॑सा वि॒धेम ते । यच्छं॑ च॒ योश्च॑ मनु॑राय॒जे  
पि॒ता तद॑श्याम् तव॑ रु॒द्र प्र॑णी॒तौ ॥ मा नो॑ म॒हान्त॑मु॒त मा नो॑ अ॒र्भकं॑ मा न॒ उक्ष॑न्तमु॒त मा न॑  
उक्षि॑तं । मा नो॑ व॒धीः पि॒तरं॑ मोत॑ मा॒तरं॑ प्रि॒या मा न॑स्तनु॒वो - [ ]

#### Pada Paata

अना॑तुरमित्यना॑ - तु॒रम् ॥ मृ॒ड । नः॑ । रु॒द्र । उ॒त । नः॑ । मयः॑ । कृ॒धि । क्षु॑य॒द्वीरा॑येति॑  
क्षु॑यत् - वी॒रा॒य । नम॑सा । वि॒धेम॑ । ते ॥ यत् । शम् । च॒ । योः॑ । च॒ । मनुः॑ । आ॒य॒ज  
इत्या॑ - य॒जे । पि॒ता । तत् । अ॒श्याम् । तव॑ । रु॒द्र । प्र॑णी॒तावि॒ति प्र - नी॒तौ ॥ मा । नः॑ ।  
म॒हान्त॑म् । उ॒त । मा । नः॑ । अ॒र्भकम् । मा । नः॑ । उक्ष॑न्तम् । उ॒त । मा । नः॑ । उक्षि॑-  
तम् ॥ मा । नः॑ । व॒धीः । पि॒तरम् । मा । उ॒त । मा॒तरम् । प्रि॒याः । मा । नः॑ । तनु॒वः ।

## 23 TS 4.5.10.3

### TS 4.5.10.3

#### Samhita Paata

रुद्र रीरिषः ॥ मा नस्तोके तनये मा न आयुषि मा नो गोषु मा नो अश्वेषु रीरिषः । वीरान्  
मानो रुद्र भामितो वधीर् हविष्मन्तो नमसा विधेम ते ॥ आरात्ते गोघ्न उत पूरुषघ्ने क्षयद्वीराय  
सुम्नस्मे ते अस्तु । रक्षां च नो अधि च देव ब्रूहधा च नः शर्म यच्छ द्विबर्हाः ॥ स्तुहि - [ ]

### Pada Paata

रुद्र । रीरिषः ॥ मा । नः । तोके । तनये । मा । नः । आयुषि । मा । नः । गोषु । मा  
। नः । अश्वेषु । रीरिषः ॥ वीरान् । मा । नः । रुद्र । भामितः । वधीः । हविष्मन्तः ।  
नमसा । विधेम । ते ॥ आरात् । ते । गोघ्न इति गो - घ्ने । उत । पूरुषघ्न इति पूरुष - घ्ने ।  
क्षयद्वीरायेति क्षयत् - वीराय । सुम्नम् । अस्मे इति । ते । अस्तु ॥ रक्षां । च । नः । अधीतिं  
। च । देव । ब्रूहि । अध । च । नः । शर्म । यच्छ । द्विबर्हा इति द्वि - बर्हाः ॥ स्तुहि ।

## 24 TS 4.5.10.4

### TS 4.5.10.4

### Samhita Paata

श्रुतं गर्त्तसदं युवानं मृगं न भीम-मुपहत्तु-मुग्रं । मृडा जरित्रे रुद्र स्तवानो अन्यन्ते अस्मन्निवपन्तु  
सेनाः ॥ परिणो रुद्रस्य हेति वृणक्तु परित्वेषस्य दुर्मतिरघायोः । अव स्थिरा मघवद्भ्य-स्तनुष्व  
मीद्विस्तोकाय तनयाय मृडय ॥ मीद्विष्टम् शिवतम शिवो नः सुमनां भव । परमे वृक्ष आयुधं निधाय  
कृत्तिं वसान् आचर पिनाकं - [ ]

**Pada Paata**

श्रुतम् । ग॒र्त्त॒सद॒मिति॑ ग॒र्त्त॒-सद॑म् । यु॒वा॒नम् । मृ॒गम् । न । भी॒मम् । उ॒प॒हृ॒त्तुम् । उ॒ग्रम् ॥  
 मृ॒ड । ज॒रि॒त्रे । रु॒द्र । स्त॒वा॒नः । अ॒न्यम् । ते । अ॒स्मत् । नी॒ति । व॒प॒न्तु । से॒नाः ॥  
 परी॒ति । नः । रु॒द्रस्य॑ । हे॒तिः । वृ॒ण॒क्तु । परी॒ति । त्वे॒षस्य॑ । दु॒र्म॒तिरि॒ति दुः - म॒तिः ।  
 अ॒घा॒यो॒रित्य॑घ - योः ॥ अ॒वे॒ति । स्थि॒रा । म॒घव॑द्भ्य इति॑ म॒घव॑त् - भ्यः । त॒नुष्व॑ । मी॒ढुः  
 । तो॒काय॑ । तन॑याय । मृ॒डय॑ ॥ मी॒ढुष्ट॑मेति॒ मी॒ढुः - त॒म् । शि॒व॑त॒मेति॒ शि॒व - त॒म् । शि॒वः  
 । नः । सु॒मना॑ इति॑ सु - मनाः । भ॒व ॥ प॒र॒मे । वृ॒क्षे । आ॒यु॒धम् । नि॒धाये॒ति नि - धा॒य  
 । कृ॒त्ति॑म् । वसा॑नः । ए॒ति । च॒र । पि॒ना॒कम् ।

**25 TS 4.5.10.5****TS 4.5.10.5****Samhita Paata**

बिभ्र॑दाग॑हि ॥ वि॒कि॑रि॒दु विलो॑हित॒ नम॑स्ते अस्तु॒ भग॑वः । यास्ते॑ स॒हस्र॑ः हे॒तयो॑ऽन्य॒-म॒स्मन्नि वं॑-  
 पन्तु॒ ताः ॥ स॒हस्रा॑णि स॒हस्र॑धा बा॑हु॒वोस्त॑व हे॒तयः॑ । तासा॑मी॒शानो॑ भग॑वः प॒रा॒चीना॑ मु॒खा कृ॑धि ॥

**Pada Paata**

बिभ्र॑त् । ए॒ति । ग॒हि ॥ वि॒कि॑रि॒देति॒ वि - कि॑रि॒दु । विलो॑हि॒तेति॒ वि - लो॑हि॒त् । नमः॑ । ते  
 । अ॒स्तु । भ॒ग॒व इति॑ भग - वः ॥ याः । ते । स॒हस्र॑म् । हे॒तयः॑ । अ॒न्यम् । अ॒स्मत् ।  
 नी॒ति । व॒प॒न्तु । ताः ॥ स॒हस्रा॑णि । स॒हस्र॑धेति॑ स॒हस्र॑-धा । बा॑हु॒वोः । त॑व । हे॒तयः॑ ॥



तासाम् । ईशानः । भृगव इति भग - वः । पुराचीना । मुखी । कृधि ॥

## 26 TS 4.5.11.1

TS 4.5.11.1

Samhita Paata

सहस्राणि सहस्रशो ये रुद्रा अधि भूम्यां । तेषां सहस्रयोजने ऽवधन्वानि तन्मसि ॥ अस्मिन्-  
महत्यर्णवे-ऽन्तरिक्षे भुवा अधि ॥ नीलग्रीवाः शितिकण्ठाः शर्वा अधः क्षमाचराः ॥ नीलग्रीवाः  
शितिकण्ठा दिवश् रुद्रा उपश्रिताः ॥ ये वृक्षेषु सस्पिञ्जरा नीलग्रीवा विलोहिताः ॥ ये भूताना-  
मधिपतयो विशिखासः कपर्दिनः ॥ ये अत्रेषु विविद्ध्यन्ति पात्रेषु पिबन्तो जनान् ॥ ये पथां  
पथिरक्षय ऐलबृदा यव्युधः ॥ ये तीर्थानि - [ ]

Pada Paata

सहस्राणि । सहस्रश इति सहस्र - शः । ये । रुद्राः । अधीति । भूम्याम् ॥ तेषाम् ।  
सहस्रयोजन इति सहस्र - योजने । अवेति । धन्वानि । तन्मसि ॥ अस्मिन् । महति । अर्णवे  
। अन्तरिक्षे । भुवाः । अधि ॥ नीलग्रीवा इति नील - ग्रीवाः । शितिकण्ठा इति शिति -  
कण्ठाः । शर्वाः । अधः । क्षमाचराः ॥ नीलग्रीवा इति नील-ग्रीवाः । शितिकण्ठा इति शिति  
- कण्ठाः । दिवम् । रुद्राः । उपश्रिता इत्युप - श्रिताः ॥ ये । वृक्षेषु । सस्पिञ्जराः ।  
नीलग्रीवा इति नील - ग्रीवाः । विलोहिता इति वि - लोहिताः ॥ ये । भूतानाम् । अधिपतय  
इत्यधि - पतयः । विशिखास इति वि -शिखासः । कपर्दिनः ॥ ये । अत्रेषु । विविद्ध्यन्तीति

वि-विद्धयन्ति । पात्रेषु । पिबन्तः । जनान् ॥ ये । पृथाम् । पृथिरक्षय इति पथि - रक्षयः ।  
ऐल्लबृदाः । यव्युधः ॥ ये । तीर्थानि ।

## 27 TS 4.5.11.2

TS 4.5.11.2

Samhita Paata

प्रचरन्ति सृकावन्तो निषङ्गिणः ॥ य एतावन्तश्च भूयाश्च दिशो रुद्रा वितस्थिरे ॥ तेषां  
सहस्रयोजने ऽवधन्वानि तन्मसि ॥ नमो रुद्रेभ्यो ये पृथिव्यां येऽन्तरिक्षे ये दिवि येषामन्नं वातो  
वृषमिषं वस्तेभ्यो दश प्राची दशदक्षिणा दशप्रतीची दशोदीची दशोर्द्धा-स्तेभ्यो नमस्ते नो मृडयन्तु  
ते यं द्विष्मो यश्च ( ) नो द्वेष्टि तं वो जंभे दधामि ॥

Pada Paata

प्रचरन्तीति प्र - चरन्ति । सृकावन्त इति सृका - वन्तः । निषङ्गिण इति नि - सङ्गिनः ॥ ये ।  
एतावन्तः । य । भूयाश्चः । य । दिशः । रुद्राः । वितस्थिर इति वि - तस्थिरे ॥ तेषाम्  
। सहस्रयोजन इति सहस्र - योजने । अवेति । धन्वानि । तन्मसि ॥ नमः । रुद्रेभ्यः । ये  
। पृथिव्याम् । ये । अन्तरिक्षे । ये । दिवि । येषाम् । अन्नम् । वातः । वृषम् । इषवः  
। तेभ्यः । दश । प्राचीः । दश । दक्षिणा । दश । प्रतीचीः । दश । उदीचीः । दश ।  
ऊर्द्धाः । तेभ्यः । नमः । ते । नः । मृडयन्तु । ते । यम् । द्विष्मः । यः । च ( )  
। नः । द्वेष्टि । तम् । वः । जंभे । दधामि ॥

